

富平縣志

ル 5

3142

3



3  
ル 5  
3142  
3

宣平縣志卷之五

風土

百里異俗民風不同地處偏隅男女慙懂全其純樸  
習於雍容有質有文轉移之功述風土志

士習

自李鄴侯刺栝興學立教人材輩出逮宋南渡以來  
科甲蟬聯亦云盛矣元置儒士於九等讀書者無志  
應試科目寥寥明文教休隆忽罹礦賊騷擾村落印  
墟不暇絃誦故自景泰分立縣治後獲雋南宮者僅  
數人焉

皇朝受命加意作人大族咸建塾延師以訓其子弟而  
博士弟子員類習於文藝專其經學或有夤緣自媒  
者士皆不屑齒遭閩逆之變邑廬灰燼三鄉逃亡過  
牛及恢復貧士且耕且讀競保一衿鮮赴棘闈後來  
屢邀  
恩旨蠲免除荒財力稍充乾隆戊戌後設立書院延師  
訓課歷任官斯土者亦親爲指授文風漸振咸豐時  
復遭粵匪之變近歲水旱頻仍而力學之士誦絃不  
廢雖科名未盛願諸生毋悔所學耳

### 民事

宣地少蠶桑惟以農圃爲事春分始耕清明漬種芒  
種前先分早秧過期則歉收芒種後乃插晚秧秧秧  
行列欲踈耘耔宜速三耘已畢灰糞頻加旱則引水  
灌溉甚則車戽不停及秋穫早中穀秋杪則晚穉登  
場收穫旣竣隨種小麥大麥黃豆數畝以佐其乏勤  
者冬間卽犁空畝曝之令乾經凍則土質鬆夏初又  
刈山蒿踏入田中磽土亦能滋潤惰者耕耨後時雖  
上田僅及下田之所入人事不齊有不能強同者宜  
慈應和二鄉土稍深氣候稍遲中晚稻較多出入皆  
用耨耨懿德一鄉與麗接壤土稍淺氣候頗早早中

稻較多出入皆用斗斛大抵宣山多田少頗宜麻靛  
麻始於江右人靛始於閩人二省之居宣者十有其  
七利盡歸焉以麻放阜地靛栽土山也今土著亦效  
種靛近又多種烟草悉擇腴田糞獲重利然烟苗價  
廉而季夏採葉曝乾卽售雖不得善價而所虧猶少  
靛種貴而工料數倍于種穀與烟草收遲而售必在  
冬春遭價賤則虧折無算往往有因侈志而傾家者

歲時

元旦蚤起更明潔衣擇吉開門各放爆竹禮天地次及  
香火祖先近地神祇宗祠歸拜尊長賀親鄰卽一面  
相識塗遇亦交相慶如是者五日此五日內不苟出  
財言語必祥或於初三四擇吉或竟於五日早晨備  
牲醴拜祝諸神暨祖先前以開年謂開年後諸無禁  
忌也開年後有新女婿者備輿迎接至家次日徧謁  
親朋茶食餽遺者有無不一親朋家款酒互相往來  
日十餘筵不等主家答席最後有餽遺者酬以拜見  
儀

上元家懸綵燈廟宇尤盛自十四夜至十六夜設板龍  
多至百橋燈壇街市團迎慶賞巨村皆然

立春前一日紙裝芒神春牛裝飾臺閣官長迎春東郊  
及交春時鞭土牛以助生氣

春分日祭家廟子孫皆在廟散食亦有耆紳散食其餘  
分給錢文者秋分同

清明門皆插柳採蓬和米搗糝作果具牲醴掃墓歸會  
族屬散其餽餘

立夏日以笋和米作飯名接脚骨並不晝睡可免蛀夏  
之患

四月八日浴佛之辰市人採南天燭汁漬糯米搗糝名  
曰烏飯糝糝以售家居亦有漬米蒸飯者

端午裹箬爲角黍及新雞麵蒜相餽遺午祀祖先飲菖  
蒲雄黃酒並灑庭以辟邪門插蒲劍艾旗採百草頭  
煎浴縮五色絨繫小兒手足爲長命縷剪繭花爲人  
物簪女兒髻自朔日始貼鍾馗像於戶五日過午卽  
徹去

七夕翦端午所繫小兒縷擲屋脊上謂鵲啣此駕橋爲  
銀河之會

中元各家設饌祀祖先必於祭厲壇之前廟中間有設

蘭盆會施食以濟孤魂

中秋以月餅西瓜交餽延賓翫月

重陽登高把菊泛萸亦有蒸百果糕餽至戚者

冬至家廟設祭頒胙散衆亦有備紙燭至新喪家者謂之拜冬

臘月擇日掃塵二十三夜設茶果拜送竈神次日早卽迎竈神回駕二十五日以赤豆和米煮飯與小兒食之名稀痘飯又有蕎麥麵作粿炊食名繳猪毛除夜換挑符貼春聯備牲醴香火前謂之拜謝年神蒸糖糕炊年飯裹米糴以備用具酒食奉尊長分歲

服食

向來俱着土布止有青藍白三色蘇松細布罕有至者家家婦女晝夜紡績以供老幼之需近則輿臺臧獲皆以土布爲不堪因而紡績者亦惰於操作女紅之所繇以廢也間有浮華子弟好着綾羅紗紵屢改諸色新樣遠市省會轉相誇詡而謹厚者尙守樸素不屑尤而效之至婦女家居亦着布惟初婚及喜慶事則珠翠綺縠稱家濃淡不以炫耀爲嫌

舊時蚤晚皆粥午膳則飯城鄉皆然近日村農家三炊皆飯日長更繼以四在田間汗力時則有之今於

宜平縣志 卷之五 五  
暇日亦如是宴賓向用宋磁品物最儉雍雍穆穆亦無敢大嚼者今則競趨時尙簞簞盈前杯盤狼籍莫不厭飫口腹以爲快雖貧家亦勉力倣效殊可恠也山則有珍溪則有鮮人皆嬾於攬捕反市海物以爲供具是更不知樽節者

### 祭祀

祖先生卒之辰有祀產者子孫輪流承值并聚男婦散祭品物均有常定無祀產者亦各以時物薦亡者生辰名陰壽富者以羊豕貧者以鷺蹄族人親友或奉香燭或兼餽黃蠟素菜等早晨醮蠟作燭或僧或巫誦經祝讚爲之點蠟天明送神延請散祭富家惑於浮屠者或演水陸道場間有用師巫道士者春分冬至兩祭於宗祠行奠獻諸禮頗爲近古又有捐田若干入寺觀僧道遇其祖先忌辰備物追薦必延其子孫聚飲以誌不忘

### 昏嫁

議親之始以男女所屬之相如鼠午虎蛇之屬命日者合婚吉則成凶則否亦有竟以男女年月日時互易筮卜者議允日先送小圈鐲具定帖以紅漆食籮盛物四色如肉麵饅頭雞子之類亦有封銀以爲小

聘謂之定親女家止收圖鐲品物不收聘銀回以文  
房四寶及襪履之類亦不回帖數年後必於雙月擇  
吉備紅箋禮書及聘金圈鐲一齊齎送謂之拜親是  
日聯親友之在庠者一人以爲媒妁近者當日遠者  
次日回女家回年庚禮書及帽靴履襪不等富者兼  
回綢緞袍掛料聘儀送收俱不一懿德鄉先憑說合  
行納采禮謂之起帖續具定啟行納幣禮謂之送聘  
亦用圈鐲白金并鑲嵌諸花鳥果物兩富結姻亦有  
用繪不用金者亦有兼用繪金者近日貧戶亦有納  
采納幣合併一時且有先訂聘金多方強索者請期

曰送日子書亦有補前聘之未足及六禮折色者昏  
期三日前男家備盒禮一擔計十色惟肉宜多四十  
六十八十斤不等謂之上轎擔女家辦奩厚薄不一  
諸親亦有簪珥諸物填箱婦昇至門婿鞠躬輿前者  
四以夫妻齊眉之老婦及父母雙全之女童引婦出  
轎與婿仝拜天地家堂牽紅合卺戚友簇擁入戶酣  
飲歌詠謂之鬧房懿德鄉於擔禮兼送麥麵紅散燭  
二物以多爲貴

向日有溺女陋弊奉 憲飭禁此風稍息

孀婦改適女父母有羹儀男尊長獲重價因有奪其



志而強委禽者至有夫之婦按律最重此雖爲貧去婦彼或貶價得妻具屬主婚者之咎守斯土者宜加察焉

### 喪葬

父母之喪棺衾稱家豐嗇大殮日暨治喪日至親送紅大被及猪首鷺亦有辦筵席者喪家回布多寡不習尙僧道喪側懸佛像喧鼓鉦謂之開喪有多至三五夜者遇七日禮懺超薦亦有多至六七次者守道之七或不屑爲衆反嗤爲不孝故雖貧家亦勉力效

之內惟五十日百日期年三年爲最重至親送鷺雞豚蹄黃蠟早辰請僧或巫誦經點蠟家人哭奠

葬無定期有三五日卽出喪者亦有踰月方出者有力不能備隨殮隨出者或舊有祖塋或現置空地富則以磚石爲壙貧則穿穴培土葬後三日送火於墳前謂之送火種葬日親友畢送喪家分白布纏頭謂之頭巾邑紳及親屬稍厚者另分圍腰白布謂之腰白葬時亦用堪輿粗識字者動引歷日凶吉地脈休咎惶惑愚民卽縉紳家亦聽之將落壙時其家先炊糕蒸飯候於山中封土後堪輿披紅立於墳後高聲

喝山撒五穀家屬等披紅跪於墳前以衫接之喝畢  
鑼鼓前導堪輿與家屬各執紅燈回家將五穀安放  
倉櫃後拜謝堪輿暨尊長親戚間有惑於風水及房  
分厚薄之說將棺浮厝經年擇地至久未葬者有因  
葬後不吉或因墳坐低濕檢骨改葬或用小棺或用  
大瓦罐名金罐如龕式專貯骸骨出自松陽或結磚壙於山不復用棺  
以子孫貼身衣衫裹骨外以紅布被包束以葬謂發  
瘞甚速也亦有因祖塋及常地爭吉被阻因而構訟  
者

祈禱

遇旱祈雨必用旗鼓叉棍等物如赴鬪狀呼聲震地  
師巫吹角搖鈴倚土神傍以筊卜兆尋獲蛇鱉蝦蟆  
以爲龍昇迎而歸亦或有得兩者舉信以爲神  
有病必卜卜必命巫搶魂鳴金執仗謂之路頭劫甚  
至宰牲控告陰狀呼諸神名號及本家祖先各以竹  
皮著地杖數十連雨晝夜金鼓不休謂之打黃亦有  
登梯升屋告許天愿日後擇吉禱賽一應器皿桌凳  
俱必新製所費不貲罕有信醫不信巫者  
每年正月穀日起至望日後二三日止宜慈應和二  
鄉社廟延僧或師巫誦經禮懺以祈一年清吉謂之

消災會城鄉皆然鄉間以麵粉或米屑裹糯米蒸熟供獻後各分給亦有餽親者謂消災饅頭

五月十七日爲城隍誕辰三坊首事輪年承辦端節後即在廟中值理裝飾臺閣至十六日昇城隍神像及臺閣巡迎三坊十四日居民人等卽齋戒禁屠宰三日神回廟後開禁次日備羊豕酒筵請官長致祭優人先於十一十二等日在關帝廟慶祝十五夜至城隍廟蓋兩廟同一會也二十日縣土地神誕二十四日晏公廟神誕廟會不一而優人均可接奏此會四方商賈雲集凡婚嫁所需悉購於此一年一大

行市也十六十七兩日民人來城者不下數千宵小易混地方官嚴加巡察焉燒香必於八月初一日始謂之開殿門各社廟香火頗盛鄉民亦間有至城隍廟進香者又每年秋冬合邑男女多有至方巖燒香或循年例或酬良願爲不一耳

按括蒼志畧云山多田少地瘠人貧男力於農女勤於織安土重遷此一郡之概也而宣慈開邑後已非舊時風俗舊志云坑出銀礦民採輸課久之礦脈漸絕責課於民以致鬻產輸官民始艱食逮閩寇流毒後民習戰鬥武禮義今立師牧以治庶幾復其本性

崇儉畏法此成化末年之風俗也後礦課雖革瘡痍未復士習雖振科第未盛若刁梗唆訟渰棄子女則又惡俗之大者此又順治以前之風俗也迨康熙甲寅耿逆煽亂邑毀村墟山髡田赤人逃戶絕及平定後安集無幾生聚教訓積數十稔元氣猶未盡復民苦而惰士拙而貧此又乾隆以前之風俗也至嘉慶庚申大水漂沒田廬無算辛未大旱庚辰旱水蟲相兼道光壬辰大旱丙午旱甚咸豐辛酉壬戌重以粵匪之變近歲水旱頻仍貧者益貧中資之家雖極鄙樸不足以支蓋以所藉者惟此瘠土此外別無生計何敢遽望家給而人足也

王在鎬曰宣邑樸儉頗有古風然民除種稻外止知織屨賣漿而已至一切百工之業俱爲異郡寄民所專尤見鈍拙醜苧諸利利歸土著者甚少然士志青雲民安樸素深喜其土薄而俗不薄也

氣候

宣邑地與八閩邇無大寒暑盛暑不過浹旬沍寒亦不出浹旬春夏之交多雨秋冬雖有霜雪草木不甚零落窮巖邃谷風雪所不到雖薄植枝葉猶青間有舒芽含蕾者此一邑之氣候也

宜慈應和爲上鄉地稍高土稍深宜晚稻播種宜遲懿德爲下鄉地稍卑土稍淺宜早穀播種宜速此上下鄉之氣候也

各鄉有向陽處日暖風和阡連陌接結秀蚤而且堅碩雨雪一過卽稍有幽陰處日黯風沉丈坵尺隴拆甲

遲而且秕萎雨雪經月猶滯此各鄉向背之氣候也

附 畚民考

處州有畚民者邑人呼為蛇音案字書無畚字惟有畚  
 字音余亦音奢三歲田曰畚火種曰畚音奢邑人以其  
 入自畚也遂虛造一畚字不知畚民稱畚其來已久字  
 正作畚不作畚元史世祖至元十七年福建陳桂龍及  
 其兄子陳弔眼據漳州反元帥完者都擊之走入畚洞  
 是即畚民之證其從奢音者即火種之謂劉禹錫竹枝  
 詞山上層層桃李花雲間煙火是人家銀釧金釵來負  
 米長刀短笠去燒畚是也順治間遷瓊海之民於浙處  
 州十縣尤多結廬深山務耕作畚婦戴布冠綴石珠赤

足負戴畚民或爲人肩輿土著者賤之斥爲盤瓠遺種  
案後漢書南蠻傳謂高辛氏有畜犬曰盤瓠嘗銜犬  
吳將軍首詣闕下帝妻之以女入南山其後號曰蠻夷  
自武陵至交趾咸稱焉明史成祖郡縣交趾名曰安南  
黎姓多因名黎人廣東瓊州府五指山其人有生黎熟  
黎浙江通志順治十八年浙江巡撫朱昌祚因閩海交  
訖遷海濱之民於內地給田給牛俾安本業是由交趾  
遷瓊州由瓊州遷處州其曰盤瓠遺種者此也夫高辛  
盤瓠之說本屬不經蓋猶說文閩越蛇種後漢書哀牢  
龍種之類皆出附會况畚民事隔千年久遷內地奉令  
徙浙務本力農豈得目爲異類嘉慶八年巡撫阮元會  
同學使文甯咨准一體考試其散居溫州者於道光六  
年援例求考諸生稟於學使朱士彥云照例身家不清  
白者不准與考泰邑畚民皆作輿臺爲人役身家未爲  
清白奉批不准與考宣邑畚民亦有似此者固當分別  
觀之若概指爲異類不齒齊民則過矣

宣平縣志卷之五

兵制

弓矢戎兵以戒不虞山川阻深伏戎藪逋羣盜方誅  
遺黎未蘇以禦以防用備萑蒲述兵制志

明

宣平縣民兵一百四十七名內防守一百名團操四十

七名歲徵餉銀五百二十八兩四錢

久裁充餉

國朝

順治三年本汛派右營千把一員兵丁四十名兵民相  
安者不拘年分近則一年一更營房安插太平坊



康熙十三年閩變本汛駐劄郎標參將一員統領守備  
千把七員馬步戰守兵丁一千名十五年閩寇平仍  
歸處協右營委千把一員照舊更防

康熙四十八年流匪彭子英等於松遂龍雲等縣盤踞  
山谷金衢處三郡官兵會勦處協右營都司張朝臣  
失陷幾致煽動至秋杪始平閩浙督院梁疏請平陽  
總鎮移鎮處郡統轄金衢等處本汛初設鎮標申營  
把總一員添設兵丁新舊共八十名捐造營房三十  
二間

康熙五十年更定鎮標右營千總把總外委一員期年

一換今千總已奉裁駐防把總一員外委一員

乾隆十九年至六十年兵制汛官無考

嘉慶元年兵丁額共六十一名二十年奉裁一名

道光二年奉裁一名兵丁額共五十九名內營書一名

同治三年變通兵制案內以六成減折裁兵二十四名

現在兵額三十五名又留調郡防兵十名實存綠營

兵二十五名外營書一名其餘各汛概行汰裁

軍局器械

腰刀六十把

烏鎗二十三把

片刀十五把

牌刀五把

斬馬刀一把

霹山礮一門

百子礮一門

戰鼓一面

大鑼一面

塘鑼五面

大纛旗一面

族長旗五面

督陣紅旗一面

籐牌五面

兵燹後器械散失現惟烏鎗數桿而已

分設要隘八處

一三港塘 離縣二十里 舊兵二名

一曳嶺塘 離縣四十里 舊兵五名

一周坦塘 離縣六十里又五里至稿嶺與麗水交界兩相會哨舊兵二名

一竹客汛 離縣三十里又十五里至虎夾灣與松陽汛交界會哨舊兵五名

一玉巖汛 離縣五十五里東至渠溪與縉雲交界舊兵五名

一陶村汛 離縣二十五里又二十里至後陳與金華武義汛交界兩相會哨舊兵五名

兵制 三

共十

一和尙田汛離縣六十里與遂昌汛交界舊兵四名

一河頭汛離縣六十里與金華湯溪交界舊兵五名

教場舊在北門外霜降壇近就便於各司廢址操演

舖舍共七所舖司共二十一

宣邑僻處萬山上官罕至向來不建驛館但每十里設

一舖舍每舖設舖司更番傳遞又設舖長房記時日

號件而已

總舖在縣前舖司四名

上坑舖在前灣舖司三名

通仙舖在三港舖司三名

曳坑舖在曳坑舖司三名

橫溪舖在曳嶺舖司三名

槁嶺舖在周坦舖司三名

竹客舖在竹客嶺舖司二名

鄉練每鄉選一壯健有智畧者為練總平日聯絡鄉兵

留心守望有事則協助防兵更為得力

按宣民近日頗無獷悍之習惟閩人種植山阿踪跡

莫定宣境北接金華南通麗水西聯松遂東邇縉

雲山勢纏綿易於伏莽易曰思患豫防詩云綢繆

陰雨安不忘危武備未可弛也粵逆之變鄉勇亦

嘗力拒若嚴保甲訓兵防練鄉團除戎器以戒不虞亦隱然干城之寄矣

宣平縣志卷之六

學校

古者庠序今惟廟堂釋奠釋菜管絃鏘鏘禮器未修青衿可傷誰其振興聖謨洋洋述學校志

學宮

儒學在縣治東百步許中為

先聖殿神厨庫翼以兩廡前為儀門又前為黌門門左為名宦祠門右為鄉賢祠又前為泮池跨以石橋又前為櫺星門門外建騰蛟起鳳二坊櫺星門左為儒學門門內東教諭宅入數十步有門曰文明又十步

折而西為義路禮門由門而入折而北中為明倫堂  
 左右兩齋號房十間東為正心西為誠意有卧碑倉  
 厥饌堂射圃省牲所致齋所敬一亭敬一四勿箴及正祀孔子碑俱  
 在內前為訓導宅南為崇聖祠皆景泰三年縣令李葉  
 創建其後重修者成化十八年縣令何昌王事馬愈碑宣分邑  
 未久學亦草創制度多有未備游宦者或以民力疲  
 瘁或因掣肘控惚因循傾廢不暇及焉成化戊戌順  
 德何侯來宰是邑撫民疾苦勞心殫思越二載政通  
 人和即與學校為己任計功度材設法措置以丹  
 青飾像位以文石夸陛尼架泮池以梁通中道也門  
 櫺星以石圖不朽也制作遵豆祀事孔嚴分庫庖庾  
 饌設有禮其需用有方不擾於民故趨功樂事廟貌  
 一新司諭舒君祥訓劉君祥魏君成相與謀曰學校  
 之興侯之功也不可無文以記之予惟侯以老成之  
 德通敏之才奮為此舉若建頌水義路禮門錄是而

備人才教養繇是而成厥功懋矣是宜書侯諱昌字  
 維昌由己卯鄉進士擢知麗水以制滿臨是邦  
 又明倫堂題名碑宣平舊麗水地正統間閩寇流毒  
 大司馬孫公平之因民罹兵燹疏逃難治奏請創為  
 宣平時邑侯李葉巡宰吳則經營區畫為縣治為儒  
 學士之俊秀者屬焉樂平徐潤來領教事學校始興  
 教化未大行也成化己丑五年何侯昌宰是邑崇尙  
 文學教民禮義尤加意於學校廢者興之傾者葺之  
 制祭器備庖庫跨泮池以梁門櫺星以石公餘輒游  
 泮水與諸生質疑辨惑無不造進於是風氣日振士  
 有成效庠生吳仕偉以能經登庚子第為宣邑開科  
 之始侯為題名於石樹以能經登庚子第為宣邑開科  
 美即巡宰公子愿仕有惠政民迄今嘉靖十二年縣  
 仰之赫赫之徵宜在仕偉爰併書之  
 令鄔瑞教諭蘇民望二十年縣令蕭彥溫郡守洪垣碑宣學肇自  
 景泰初立雖經先後增修規制漸備然事屬創始終  
 鮮大猷至嘉靖十二年間幾為原苑邑令鄔君瑞具  
 狀上之監司手時為永康令嘗案移躬度之既予報  
 厥最入司監察而斯學之興則翼然視前修備矣二

十年辛丑余自嶺南外補溫郡得再至括郡遇東沼蕭子彥蕭子時合宣平嘗應予聘主試事於廣因得聞其緒論蓋宣之學果改觀焉夫十室之邑必有忠信要必繇之於學也者所以充其忠信耳故學則義徙義徙則心盡而忠信之與萬事也通一無二譬之求珠焉學以撤其積而珠見焉者也是故學莫大乎知本知本則日新而忠信之體愈密及其成也則亦不出乎忠信焉爾矣失本則日泥而忠信之用以室及其後也則亦止於忠信之質焉爾矣欲其有所至焉不可得也蕭子曰吾知所以為學矣既別蕭子之宣適以幣付諸司論潘君廷榮走數百里求余為之記余無他說也姑述前言以厲諸士有忠信之資者其知所以用其美乎哉蕭彥建名宦祠碑祀有關於風教而不可緩者名宦其一也夫治在於得人而民生之休戚以之有祀典以崇德報功則孰賢孰良况焉弗傳其何以風世厲治哉邑之設也迄今百餘祀其間豈無功德可紀者乎蓋未之表暴者之過也嘗於公暇質諸志籍稽諸故老而得數君子焉若大司馬孫公則造邑者也剿撫閩寇奏設為縣安靜之休延及於今其功德為何如縣之始創邑侯李

公鼎建縣治建儒學立市廛土木崇興民不告勞嗣是有若二尹徐公宋公者豈弟宜民屢著嘉績今履通濟之橋則思宋公利涉之恩覩桑麻之饒則思徐公富民之澤宣民之懷服而稱頌之者固其所哉乃請於上大夫相地築祠於學宮之傍民歡趨事不逾月而竣於是誣日設奠迎主妥靈春秋享祀一以文廟為準功德之報庶乎其不朽矣後之官茲土者仰謁之餘其易直子諒之心有不油然而興者乎孫公諱原貞江西德興人李公諱葉江西豐城人徐公諱繡直隸華亭人宋公諱鏞直隸甯國人廣西藩司縉雲李寅鄉賢祠碑宣平余桑梓鄰邑考諸志乘其間貽月旦之重者繁豈無人蓋祀典湮沒久矣自江右蕭君來令茲邑凡有麗於政教者靡不創始葺治之司諭翟君與諸士以鄉賢建祠請蕭君遂檄上諸執事捐俸落成之問記於余余曰天下繇衷之好不戒而孚不約而同今夫物之產貴也識者且寶藏世守之俾千百世下見而益知重焉矧仁賢天所篤厚在當日樹德布業朝野交美顧人亡澤斬何以流耿光而永終譽此祀賢之典國家崇尙盛心使千百世下見而益知重也親近宮牆凡禮其祠者一對越而

即尚論之樂道之矣前事之榮後事之師也宣創邑未久列鄉賢者吳公仕偉一人公疏通練達宦多最績余嘗聞其聲於朝知其名於鄉蕭君首茲推重可稱名實相符後之繼吳公起者將代有偉人云

慶二年縣令艾善萬歷間縣令劉珍葉遺風十六年

縣令蕭宗舜

禮科給事中鄭秉厚記宣平縣學宮肇建於景泰三年再新於嘉靖十六年後

先增飾雖賴有良有司而風雨飄搖鳥鼠巢穴未幾輒因摧敝萬歷甲申夏南沙蕭侯來尹茲邑初視學觸目傾頽殊增感慨亟圖欲葺修之晉諸生與議僉曰邇者力疲以苛政財困於誅求時尙未何為也侯從其說爰是節浮裁冗緩刑薄征服食淡泊自甘苞苴者不敢入明慎折獄而請託不行甫暮年膏澤下民頌聲四作侯深自喜曰古人役民以時茲可興學校之時乎迺謀於庠師某君行達捐俸市材鳩工趨腐繚垣墉塗墍茨飾丹雘經畫維周綜理孔固三閱月厥功告成此謁廟登明倫堂則巍然矣瞻啓聖祠名宦鄉賢祠則翼然矣觀左右兩廡東西二齋中外

二門則又皆煥然赫奕矣侯名宗舜字用中江西鄱陽進士家世儒業科目聯登為一省之冠云 嘉

靖乙未教諭翟宗魯市民間田園三畝為月池建聚

英樓於學後

王嗣爽文明山池碑宜自景泰析壤起學甲乙科頗不乏後寢衰說者曰文運

之替有繇也嚮學宮後據昇今夸為困樓直前無障望見大溪垣填闕而路湫隘牛羊紛溷於鬢門外於是議改為而力不贍嘉靖乙巳涵江翟先生來論曰是誠在我時蕭侯彥創名宦鄉賢祠即捐半俸佐之已又撤前垣甃方池未慊也丁巳春先生以衡文還自蜀謂諸生吾今得畢力於而岸矣頃濫竽蜀闈有贈金不敢私於是與弟子俞鳴謙全絃輩謀市學前田今所有之泮池周遭百餘步規其南若半月改路於池外環以牆地以內鬻以外屏行者毋敢溷已又市困樓撤而更置之名以聚英出其奔崇之益市弁傍田之斗入者重匡其外共費鏹百五十悉出自橐中及邑弟子助名其阜曰文明山併名其池蓋取在田之龍為多士祝云爽居嘗歎國家設官有職有權當為其職也得為其權也獨廣文號閒逸有力無所

用之今觀先生未為無所用也世有大功克舉大物以方先生所舉匹雛耳然未為無所舉也夫冷官私此數十金未足潤其橐而捐之遂足不朽今且祀之替宗其得孰多有職者固不以彼易此矣是役舊有碑讀其記多漫蝕余據所可考援筆記之重為勒石以為後之人勸先生名宗魯字一東博羅鄉進士戊申冬遷廣西融令諸生不忍別明年春三月乃去天啟間教諭王嗣奭改建

崇聖祠於文廟東併建文昌閣后土祠改建教諭宅

於文廟西額曰春風堂王嗣奭重修儒學改建崇聖祠碑萬曆己未六月奭來署

教事問署圯矣僦屋以居且日謁廟廟敝升講堂堂亦敝宮牆內外四顧凋殘而崇聖祠尤棟折椽崩神亡所棲因太息謂諸生邑之有學猶人之有冠冕也鄉人側弁清士去之奈何舉若邑而任章甫之裂乎至秋復召諸生大集文以告之多踴躍願助者誦得三善士命之督且告之曰茲役官也物價僱值一準諸民善士唯唯九月始事卒歲而竣余喜日事有緒矣弗亟修且併圮圯而圖之難且什倍以是語宰鍾

侯議既定則庚申王正也趣侯削牘以請得之即以是月始事而諸生又進日學常修而速壞者繇師氏之他徙也澤宮虛無人芻牧晝集而竊者夜至奚而不壞於是議建署俾師有甯宇而澤宮可共保也役未竣費贏幾倍請侯報竣併報其贏費侯從其議首報醴院請補三十金有奇而贏實倍之文辭府太府公曰既報估矣不請而贏之不便吾甯埠汝捐俸又斥校士贖金以風縣而縣亦捐俸為埠秋七月告成夫太府公大飾郡庠不以一文煩屬縣而且厚埠我宣之乏命任事者有終而無咎德堪不朽於是擢蘋蘩告先師集諸生諗之曰是役也費幾不資而黽勉獲竣太府公之力居多其仍舊貫而葺者不具載重建日崇聖祠教諭署新增日后土祠崇聖舊祀廟右非禮也署在廟左今乘兩地易置之后土舊祠幾沒灌莽中今改建講堂左或曰學宮四周不滿於良隍建文昌閣宜今力未能而舊署樓半存諸生請以肄許之一乃葺中楹祀文昌共費銀百六十有奇得請者三之一太府埠八之一縣十之一諸生四之一餘則捐俸佐之太府公氏陳名見龍潮陽人鍾侯名榮顯定南人庠生陶天曠潘大沛俞奉璋殫厥心力宜旌



異之為好義者勸首贊其決者鄭生啟明也又學  
師題名碑官有題名昭勸戒也迺學官與它官異它  
官司民社按蹟而評燉醜若觀火然學博所轄諸生  
耳職在講課無甚關於殿最故賢者無繇自見即不  
賢亦易藏其拙勸戒云乎哉然奉天子命師表一方  
何可合姓名湮沒也宣故有刻萬歷以前備矣茲載  
其萬歷後者俾學校有攷焉雖然以予所聞如楊公  
秉紀自奉甚薄而兩署龍泉一絲不染朱公萬里置  
學田至遷去猶分俸來埤皆其犖犖者  
特揭之以勸亦豈第書其姓名云爾哉  
 崇禎五年訓  
 導葉永芳建宅於教諭宅西康熙十四年廟被兵燬  
 無存十五年署篆郡同知崔鳴鶯重建先聖殿二十  
 五年

御書朱子詩碑三十年署篆縉雲令霍維騰重建明倫  
 堂三十八年縣令韓宗綱重建崇聖祠及兩廡五十

五年縣令張廷祐議改建先聖殿捐俸倡募繪圖購  
 木未終其事五十八年縣令于樹範落成之乾隆六  
 年縣令劉鐸改建明倫堂七年教諭吳三發新建大  
 成門皆規模粗定不蔽風雨八年冬教諭陸獻猷捐  
 俸率紳士續成之周圍牆欄懸額製屏門鐫竝建土  
刻聖經越五年始告竣  
 地祠於明倫堂東偏九年夏暴風毀拔櫺星門柱石  
 殿廡祠宇均圯是年冬署令蔣潤上請重修未允十  
 三年縣令雷仁育首先捐俸偕教諭陸獻猷訓導吳  
 澗景率紳士鄭瑞鳳等增修大成殿加立柱石周以  
 圍欄兩廡及崇聖祠俱改建時獨建石櫺星門者則

貢生祝復禮獨造名宦祠者則貢生潘士仁凡期年

結構乃定督學彭啟豐重修宣學碑聖人之道衣被

弗有學宣平本麗水宣慈鄉明正統十四年始置為

縣景泰三年乃建學宮此學所自始也繼因兵燬殿

廡悉圯康熙十五年改建今所五十八年重建大成

殿乾隆六年復建明倫堂因舊基而廊之但繚垣未

周葺治有待國家久道化成我

誌四山環匝二水合流南有瀑布之奇西有栝蒼之

勝靈淑所鍾游興文學士皆蒸蒸知嚮往矣歲壬申

余復持使節按試栝郡宜平陸諭具言學宮重修狀

其未備者增之已圯者修之門廡齋閣代撓用壯百

廢具舉丹堊如制觀瞻咸喜請為文以志之昔唐李

鄴侯新學宮於處郡昌黎韓文公為記所論尊崇

與社稷合足為古今名言而其詩曰乃新斯宮神降

其獻又曰講讀有常不誠用勸謂侯政知先後而子

弟皆興於學豈特為一郡言哉矧宣邑承流栝郡地

非閭習士爭淬厲則夫崇建學校以育英才不惟守

皇上

孔子

聖廟

朝廷

土之職亦使者所嘉與也爰為書其梗槩是役也首

先捐資倡率者為邑令雷仁育教諭陸獻猷訓導潘

毓楠候選訓導鄭瑞鳳獨建櫺星門貢生祝復禮獨

建名宦祠貢生潘士仁其餘生員鄭照韜王庠鄭勉

等董率辛勤俱足尚也因備誌之縣令雷仁育建

石櫺星門名宦祠碑事為眾力所不能舉一二好義

者毅然任之而後無不可舉之事祝君復禮建石櫺

星門潘君士仁建名宦祠是已戊辰春余抵任之二

載諸務稍戢因慨夫

彫殘殿廡漸頽宮牆蕪穢牛羊踐之

春秋大享典禮煌煌將於何式憑焉而旅進旅退奔

走在廟者孰非聖人之徒與得不慨然屢念耶因皇

皇與廣文先生為更新計隨捐俸為倡自春徂秋之

際集士之諸其事者鳩工飭材日不遑暇其大成殿

兩廡明倫堂暨崇聖等祠塗茨丹雘漸次就理約費

三百緡有奇惟櫺星門名宦祠厥費孔艱蓋不得不

因陋就簡焉時祝君復禮慨然曰櫺星者聖廟之屏

障也無櫺星與無廟同與其弟復相姪啟乾採諸天

螺之山得石之廣廓鎮密者募力者百餘緡以石名於

復召工琢削如法約費二百餘緡而櫺星以石名於

是始潘君士仁亦出已資百餘緡建久圯之名宦祠於廟左而廟貌益為改觀矣事既竣邑之人士咸謂自景泰建邑以來歷二百餘年聖宇尋廢尋修應以斯舉為最其原委及首士姓氏廣文以請學憲列諸貞珉以垂久遠而祝潘二君仔肩鉅任崇聖尚賢求諸通都大邑猶難之况宣邑哉余因椎闢其詳綴以歌辭欲為後之留心學校者勸也歌曰櫺星之門高且蒼開山鑿石螺絲岡挽推不但五丁搗巖窅璀璨起宮牆駿奔至止肅冠裳門左名宦亦輝煌迎牲薦酒憶甘棠翹翔醉飽悅蒸嘗斯材卜吉孰允臧祝潘任事慨以懷明德維馨神所祥自今以始宣之陽

三十年貢生沈大成獨建大成門五間四十八年署令莫景瑞偕教諭王誥訓導邵是枏董事鄭學泗王萬齡鄭勳潘士業李嵩萃鄭國華鄭家聲鮑得霖徐文潮等募修大成殿樑柱採大木較前宏敞縣令張蚤譽續成之廩生潘德行

捐新至聖牌位四十九年修兩廡名宦鄉賢五十年  
 修建崇聖祠五間修明倫堂嘉慶十四年縣令耿維  
 祐教諭俞諒訓導張榮董事王萬齡鄭玉佩鄭學超  
 潘德懷重修並建明倫堂右平屋三間道光五年署  
 論胡容松修補祭樂器六年試訓王治安修葺黝聖  
 移土地祠於名宦祠左修建官廳三間十三年三月  
 十三日大成殿神龕上棟折几案俱碎縣令黃維同  
 率董俞宗煥急募重修先是俞雲龍有遺命如家得  
 小康須修葺文廟至是其孫貢生志俊志偉等捐資  
 獨修宗煥專董其事又自崇聖祠五王木主暨東西

配享從祀並大成殿四配十二哲東西兩廡名宦鄉賢各木主鏤刻精細塗護金朱舊木主字跡不明亦多剝落並立大成殿三字額又於殿中置大香案一咸豐十一年遭粵逆亂毀基址僅存同治七年縣令蔣元沂志切建復舉董勸捐旋去任八年邑令張兆基教諭潘瀋訓導沈廷基率董募捐重建崇聖祠明倫堂大成殿九年沈大成後裔捐建大成門五間監生林葆祥羅瓊林捐建東廡六間耆民鄭世惠後裔捐建西廡六間庠生祝開仕後裔捐建名宦祠三間鄉賢祠三間廩生韓作霖捐建土地祠三間監生周邦俊增生周

邦傑邦佐監生周士玠士瑯士範捐建官廳三間工逾三載制仍如前廩生潘德行後裔捐造新至聖牌位一座貢生俞志俊志偉教職文球等自崇聖祠五王木主暨東西配享從祀並大成殿四配十二哲東西兩廡先賢先儒名宦鄉賢各木主重新捐造並立大成殿三字額殿中置大香案一雕龍刻彩塗以金漆煥然一新

大成殿匾額

聖祖仁皇帝御書

萬世師表

世宗憲皇帝御書

生民未有

高宗純皇帝御書

與天地參

仁宗睿皇帝御書

聖集大成

宣宗成皇帝御書

聖協時中

文宗顯皇帝御書

德齊懋載

穆宗毅皇帝御書

聖神天縱

今上御書

斯文在茲

位次

正殿正南面者

至聖先師孔子神位

土式高二尺三寸七分廣四寸厚七分殊地金書座高四寸長七寸

厚三寸四分

按廟祀自唐歷宋元其制不一明永樂八年正聖賢

塑像衣冠法古式嘉靖九年易像為主題曰至聖先

師孔子四配下稱先賢某子先儒某子

國朝順治二年定文廟謚號稱為大成至聖文宣先師

孔子十四年改稱至聖先師孔子

四配

主式高一尺五寸廣三寸二分厚五分赤地金書座高四寸長六寸厚二寸八分

在殿東西向者

復聖顏子

述聖子思子

在殿西東向者

宗聖曾子

亞聖孟子

十二哲

在殿次東西向者

閔子損

冉子雍

端木子賜

仲子由

卜子商

有子若 乾隆六年升祀

在殿次西東向者

冉子耕

宰子予

冉子求

言子偃

顓孫子師

朱子熹 康熙五十一年升祀

東廡先賢

同治二年奉文更定

公孫僑

林放

原憲

南宮适

商瞿

漆雕開

司馬耕

梁鱣

一作鯉

冉孺

一作儒

伯虔

冉季

漆雕徒父

家語作漆雕從

漆雕哆

家語作漆雕侈

公西赤

任不齊

公良孺

一作儒

公肩定

晉人作公堅定

鄒單

罕父旗

家語作宰夫黑

榮旂

家語作榮期

左人郢

家語作左郢

鄭國

家語作薛邦

原亢

廉潔

史記作絮

叔仲會 一作會 公西輿 家語作輿 邾 巽

陳亢 琴 張 家語作琴 步叔乘

秦非 顏 噲 顏 何

縣 亶 索隱作縣豐 牧 皮 樂正克

萬章 周敦頤 程 顥

邵雍

西廡先賢

蘧 瑗 澹臺滅明 宓不齊

公冶長 公皙哀 高 柴

樊 須 商 澤 巫馬施

顏 辛 一作幸 曹 卹 公孫龍

秦 商 顏 高 家語作顏刻 壤駟赤

石作蜀 公夏首 后 處 一作石

奚容蒧 家語作奚蒧 顏 祖 句井疆

秦 祖 縣 成 公祖句茲 一作公句茲

燕 仍 家語作級 樂 欬 家語作欣 狄 黑

孔 忠 家語作孔弗 公西蒧 家語作西蒧 顏之僕

施之常 申 棖 禮殿圖作申償 左邱明 一作左子

秦 冉 公明儀 公都子

公孫丑 張 載 程 頤

東廡先儒 舊有荀况劉向王肅杜預今罷其鄭眾盧植服虔祀於鄉

主式 高一尺三寸四分廣二寸三分厚四分五釐座高二寸六分長四寸厚二寸

公羊高 伏勝 毛亨

孔安國 后蒼 一云倉 許慎

鄭康成 范甯 陸贄

范仲淹 歐陽修 司馬光

謝良佐 羅從彥 李綱

張栻 陸九淵 陳淳

真德秀 何基 文天祥

趙復 金履祥 陳澧

方孝孺 薛瑄 胡居仁

羅欽順 呂柟 劉宗周

孫奇逢 張履祥 陸隴其

西廡先儒 舊有戴聖賈逵馬融何休王弼今罷

穀梁赤 高堂生 董仲舒

毛萇 杜子春 諸葛亮

王通 韓愈 胡瑗

韓琦 楊時 尹焞

胡安國 李侗 呂祖謙

袁燮 黃幹 蔡沈



魏了翁

王柏

陸秀夫

許衡

吳澄

許謙

曹端

陳獻章

蔡清

王守仁

呂坤

黃道周

陸世儀

湯斌

崇聖祠

明嘉靖九年建啓聖祠龍叔梁大夫稱爲啓聖公孔子以顏曾思孟之父配稱先賢某氏某以周輔成程珦朱松蔡元定從祀稱先儒某氏某

國朝雍正元年欽奉

上諭追封先師五代王爵世祖爲肇聖王高祖爲裕聖王

曾祖爲貽聖王祖爲昌聖王父爲啟聖王稱崇聖祠

昌聖王伯夏公

裕聖王祈父公

肇聖王木金父公

詒聖王防叔公

啟聖王叔梁公

配位 主式同四配

東配享

孔氏孟皮

顏氏無繇

孔氏鯉

西配享

曾氏 黈 孟孫氏 激

東從祀 主式同東西廡

周子輔成 程子 珦 蔡子元定

西從祀

張子 廸 朱子 松

名宦祠 祀十六人位次以官職品級時代先後為序

孫公原貞 大司馬

范公承謨 浙閩督院謚忠貞康熙三十三年增祀

朱公昌祚 浙江撫院陞四川總督勤愍康熙三十三年增祀

李公塞白理 浙江提督

李公之芳 浙閩督院文華殿大學士

王公隲 浙江督院

郭公世隆 浙江督院

李公葉 知縣

楊公中立 知縣

洪公雲翼 知縣

韓公宗綱 知縣康熙四十七年增祀

徐公黼 縣丞

宋公鎬 縣丞

徐公潤 教諭

翟公宗魯 教諭

朱公萬里 訓導

鄉賢祠 祀一人

吳仕偉 禮科都給事

釋奠 歲以仲春仲秋上丁  
日取柔日文明之義

國朝雍正三年

詔郡縣二祭增用太牢頒學宮儀物圖于天下

陳設

正位禮神

制帛 白色

羊一

簋二 實黍

黑餅  
白餅

雲雷尊一

坐爵三

豕一 皆有

簋二 實稻

豆十 實韭菹芹俎菁菹筍菹醢醢

獻爵三 牛一

豕一 實大 釧二 實和

簋二 實黍 籩二 實稻

豆十 實韭菹芹俎菁菹筍菹醢醢

四配位東西兩案每案禮神

制帛 白色

豕一 皆有

籩八 實形鹽藜魚鹿

醢兔醢

魚醢

坐爵三

釧二 實和

籩二 實黍

豆八 實韭菹芹俎菁菹筍菹醢醢

獻爵三 羊一

籩二 實黍 籩二 實稻

豆八 實韭菹芹俎菁菹筍菹醢醢

十二哲位東西兩案每案禮神

制帛

白色有匡

坐爵六

獻爵三

羊一

豕一

皆有小

鉶六

簋一

籩一

實和

遷八

實形鹽藁栗榛菱芡

豆八

實韭菹芹菹菁菹筍菹醢醢鹿

脯醢兔醢魚醢

兩廡位中壇邊壇東廡坐爵六十五西廡坐爵六十三

中壇禮神

制帛

白色有匡

獻爵三

羊一

豕一

皆有性盤

簋一

實黍

簋一

遷四

實形鹽鹿脯棗栗

豆四

實韭菹芹菹醢醢魚醢

壺尊一

邊壇各壇

遷三

實形鹽鹿脯棗

豆三

實韭菹芹菹醢醢

崇聖祠

正位禮神

制帛

白色有匡

坐爵五

獻爵三

羊一

豕一

皆有小

鉶五

簋二

籩二

實和

遷八

實形鹽藁栗榛菱芡

豆八

實韭菹芹菹菁菹筍菹醢醢鹿

醢兔醢魚醢

壺尊一

配位東西兩案每案禮神

制帛

白色有匡

坐爵二

獻爵三

羊一

豕一 皆有 簠一 實 簋一 實 籩三 實形  
皆 牲盤 黍 豆三 實 菹醢醢 菹芹

祭儀

春秋仲月上丁日祭官散齋二日前齋一日前一  
 日演樂省牲祭日夙興鼓初嚴燃庭燎鼓再嚴執  
 事者序立墀側鼓三嚴各獻官立戟門下樂舞生  
 各就位執事者各司其事陪祭官就位分獻官就  
 位獻官就位瘞毛血迎神樂奏昭平之章上香行  
 三跪九叩禮樂止執事者捧帛入獻官詣盥洗所  
 盥手進巾詣酒尊所實爵司尊者舉爵酌酒詣

至聖先師孔子神位前樂奏宣平之章跪奠帛初獻爵  
 叩首興詣讀祝位跪衆官皆跪讀祝文曰維某年  
 某月某朔越幾日某官某等敢昭告

至聖先師孔子曰維

先師德隆千古道冠百王揭日月以常行自生民所未  
 有屬文教昌明之會正禮和樂節之時辟雍鍾鼓  
 咸恪薦其馨香泮水膠庠益致嚴于遵豆茲當 春秋  
 仲祗率彛章肅展微忱聿修祀典以 復聖顏子  
 宗聖曾子 述聖子思子 亞聖孟子配尙饗叩  
 首興詣 復聖顏子神位前儀如正祀次詣 宗

聖曾子神位前次詣 述聖子思子神位前次詣  
亞聖孟子神位前行分獻禮如前儀復位樂止行  
亞獻禮樂奏秩平之章復位樂止樂奏叙平之章  
復位樂止詣飲福受胙位獻官跪飲福酒受胙叩  
首與復位行三跪九叩禮徹饌樂奏懿平之章樂  
止送神樂奏祥平之章行三跪九叩禮樂止讀祝  
者捧帛者各詣瘞所望瘞復奏祥平之章詣望瘞  
位焚祝文復位樂止禮畢

崇聖祠同日先祭無樂舞餘儀同祝文曰維

王奕葉鍾祥光開聖緒盛德之後積久彌昌凡聲教所

覃敷率循源而溯本宜肅明禋之典用伸守土之

忱茲當春秋仲聿修祀事以 先賢孔氏 顏氏

孔氏 曾氏 孟孫氏配

名宦鄉賢二祠同日祭釋奠畢祀以少牢名宦祝

文云惟神善政善教惠此一方民到于今猶蒙利

益鄉賢祝文云惟神竹帛垂名鄉邦仰德俎豆宮

墻允為世則

按宣學舊存祭器銅爵二十三錫爵一十三銅簋一  
十錫簋陸銅簋一十錫簋陸錫登一錫鉶二十四錫  
雲雷罇一錫壺罇五錫杓六錫香爐五小錫香爐一

十二錫燭臺五對小錫燭臺一十二對錫瓶二錫盞  
 八十四錫豆八十四 其銅器係嘉靖戊子知縣張  
 撰購銅製造康熙甲寅兵燹散失為生員王甚臣所  
 得寇平送學存用其錫器係雍正壬子督學李清植  
 製造分頒道光五年署諭胡容松修補咸豐八年毀  
 於兵燹九年貢生俞志俊志偉教職文球等捐造各  
 器俱備皆以錫十一年遭粵匪之亂祭器復殘缺不  
 全同治九年秋俞志偉等重新捐造現存學署

舊存樂器舞杆并金龍首雉尾禽二十四琴四琴箱  
 一瑟二瑟箱二簫四笛四笙四鳳簫二塤二篪二大  
 楹鼓一絳綾金龍麾壹節二搏拊二銅鐘一十六銅  
 磬一十六樂器箱一 係雍正壬子督學李清植製  
 造頒發道光五年署諭胡容松修補咸豐八年兵燹  
 散失今已無存

敬一亭久圮

與文土地祠舊在明倫堂左今移名宦祠左

大魁閣在泮池東久圮

文昌閣在泮池東久圮乾隆年間董事等捐建於徐公

祠前樓起三層上為魁星閣中祀 帝君像下層為  
 更衣所春秋上丁日致祭嘉慶七年宮成移供

帝君像於正殿移朱衣神於上層與魁星對立設文昌先代神主於中層下層仍爲更衣所咸豐四年門庭及正殿並三層樓梁柱朽壞訓導吳鄂棠首先捐捧借邑紳祝賡歌潘忠精潘嗣龍潘永澄鄭獻圖鄭懷賢周祥信鮑文銓陳啟暄潘忠清等捐貲重修咸豐十一年粵寇至折毀一空僅留基址同治十年文廟董事已備磚木議將諷吉建復因經費不敷事遂中止

徐公祠在明倫堂東祀前明大學士徐階父縣丞贈少傅徐公黼舊名報德祠在縣大門內土地祠東嘉

靖三十五年邑令任良翰建副使黃中記祠廢有祀田八十餘畝康熙十九年改隸儒學雍正九年實丈田八十畝零乾隆九年教諭陸獻猷訓導徐紹宗議復其祠邑明經孫士階捐建于東廡牆壁後春秋並祀祠後爲義塾鹽商王楷建塾後有園祠右建平屋三楹暨左倉屋廚房乾隆五十年教諭王誥捐建後卽爲教諭宅百記司教之署何地不建而柘郡小邑間亦無之如宜諭向以義塾棲息徐祠會賓此鵲巢而鳩居也乃故諭之息猶撤而行傷已余自壬寅臘抵任賃屋以居次年諸公慨然集腋得人二十九入錢六十千有奇於焉鳩工庀材肇於四月之杪竣於七月之望而遷入則六月十日也門庭高敞房戶深嚴有者復無者增倉廩庖廚與寢居俱適一切工料費用畧浮於入數另交賬後官望其無



效前人拆毀也於時則有以會需年歲何若建碑以誌但使後人知吾輩之捐修足矣又何償焉感此知諸公定有同心去年欲豎不果今得匠氏刊之貞木蔽其風雨可留數十稔則諸公之有惠於余并有惠於後來

訓導署久廢嘉慶間董事等以修葺文廟餘就明倫堂右建廳事三楹道光間訓導李榮暨邑紳等於廳後建樓屋三間並斯廳即為訓導署

學田

萬歷三十一年訓導朱萬里捐置田壹拾叁畝自記禮之府也世固不以繁文縟節責備宮牆至於頻水鹿鳴載諸歌詠則禮有不可盡廢者古者陶尊而匏飲謂陶匏無嫌於禮則可并陶匏不設而稱禮可乎哉國朝設科取士賓興隆雅顧宮牆發軔之地寂焉

寥落私心愧之予涖任五載於饋之欲卻而不可者命弟子贖而藏焉積若干金市若干畝收其稅肇祀文昌式隆賓興約曰是稅勿報上官勿貯公帑歲舉富而好禮者一人為公田長月正修祀師生咸集舉其出入故册檢其所贏者印之後人此一役也可以稱勞可以考德願諸生其成吾志飾學之觀以永勿替弟子日敬聞天啟二年教諭王嗣爽捐置泮池墻命矣遂付錄人

東田壹畝壹分崇禎三年邑令鄭龍光捐置田叁拾畝光祿學有田為儲賢育才之需宜自景泰分邑建學未幾而吳都諫高掇巍科揚芬瓊闕是而賢科不乏比來遂至寥寥微獨士懈於修抑亦鼓舞作輿上弛其教也今上初元大田鄭公來宰是邑甫下車首謁學宮目擊殿廡傾頽廟門廢圯則亟議修己又念學皆孔棘而宣獨缺如則亟議節乃年來水旱洊臻征輸孔棘二年而廟門煥三年乃悉計其俸薪所入得百金市田三十畝歲可入六百緡度可為諸生講課

瞻足之資則公倦倦造就意也於是學博徐君賢諸  
弟子員相與請記於余懼夫田之日久寢沒而公之  
德意并諼也余惟治以得人為先而學以作人為亟  
至於田以贍士則自范希文朱晦庵諸大賢率重之  
計自今宣士當蒸蒸繼起焜燿賢書矣  
乃原本所自可忘公興學置田之功哉  
以上田畝  
舊立鄭朱戶共田肆拾叁畝貳分零後因甲寅閩變  
田荒糧逋康熙十九年始立儒學戶歷久濱溪田被  
水雍正九年實丈田叁拾玖畝捌分零內未墾成熟  
田三畝零 合徐祠田捌拾畝共田壹頃壹拾玖畝  
捌分零除徐祠辦祭外每年徵解學租銀壹拾貳兩  
壹錢捌分肆釐解費銀陸錢外每年不計閩輸糧拾  
兩柒錢零米伍斗肆升貳合按郡志載雍正癸丑年

據縣學開造有新墾田柒畝零伍釐今已無考

學額

順治四年定小學取二十名又定廩膳生二十名增  
廣生額數同五年題准儒童入學取四五名  
康熙九年題准額數小學七名二十八年增廣額數  
十二名武童八名三十八年奉

恩詔入學名數前已增額今著於府學并大中小學各增  
取五名舉行一次後定每奉

恩詔小學加額三名歲貢兩年一貢逢甲丙戊庚壬年如  
奉

恩詔以正貢作恩貢以次貢作正貢

書院

鰲峰書院 縣舊無書院乾隆庚午邑令雷仁育始

課士於普照寺中每月舉行者再雷解任去事又

寢乙未邑令趙 詳請撥冲真觀田畝建立書院

俾士子肄業其中膏伙有資邑令張士彥就縣東

街文廟右側創造講堂五間中曰敬業高二丈七

尺深二丈餘中廣一丈六尺左右各一丈四尺前

二門三間外大門一間講堂後山長住房五間住

房後天井兩旁小廂屋各兩間二門內暨講堂後

左右廂房各三間共十二間為生童肄業所院四

圍有墻道光二十七年邑令李盤率董重建講堂

三間東西兩廂廳各三間中廳三間東西兩廂房

各八間頭門三間規模較前宏敞自記宣平於明

分麗水宜慈三鄉置為縣治景泰三年乃立學其

時未有書院也 國朝乾隆庚午邑令雷仁育始

課士於普照寺此為書院之權輿逮乙未邑令趙

詳請撥廢觀田置書院俾士子肄業其中歲戊戌

邑令張公士彥乃即縣東街創為書院以依於鰲

頭山麓故名鰲峰書院厥初肄業生童十八名自

後歷任遞增每歲甄別以定去取士咸以得與為

欣幸焉道光二十六年秋余蒞任宣平見書院樑

柱朽壞牆壁欹斜恐有傾壓之虞急命拆毀即隱

以與復為己任其時歲旱成災賑務方殷未遑旁

及明年秋穀既登政靜人和乃延項坤山吳核華

然相視似有難色余乃從容酌以酒而詔之日士  
有書院猶工之有肆離室家之擾收講習之益所  
謂居之安資之深吾猶為若等子弟計豈為之父  
兄者而勿為熟計乎眾皆然欣慰踴躍輸捐有  
願獨建講堂者有願獨建兩廡者即日鳩工庇  
材拓其圍墻崇其基址堂構益宏於前房舍亦增  
於舊庖厨涵涵秩然咸備工逾一年始竣余適奉  
檄調任石門庚戌春仲諸紳耆以落成將勒石紀  
事謂非余莫創斯議郵書乞言於余余思宜平溪  
山迥抱靈秀鍾聚鬱之久者發之奇必將甲科疊  
起以為斯院光而余之相期則更有進余惟願為  
之師者以孝弟忠信培其心以禮義廉恥勵其志  
而勿徒以文章之美飾為虛車為弟子者以敦本  
厚實純其詣以明體達用儲其材而勿苟為聲譽  
之求耀乎世俗則有不可與鹿洞愛山並垂不朽  
斯院之名亦可與鹿洞愛山並垂不朽豈不偉哉  
記是為

肄業生童初定十八名嘉慶十二年邑令耿維祐增

取二十名道光三年署令黃煥增取二十四名十

四年邑令黃維同增取二十六名十九年邑令湯

金策增取二十八名每名每月給膏伙紋銀三錢

每月朔望兩課每課生員優賞紋銀三錢童生優

賞二錢甄別日暨每月朔課縣給飯食

田畝

一土名派田畝田一百八十把一土名鄭草隴田四百把  
田一百六十把二土名鳥溪畝田二百三十把五土  
九坵一土名全田三百把九坵一土名全田七百把  
各全田三百把九坵一土名全田七百把十土  
一土名全田四百把九坵一土名全田七百把十  
把三坵一土名全田一百六十把二坵一土名  
全田二百把二坵一土名全田一百五十把三  
坵一土名全田一百八十把





貳拾坵正共計租穀貳千壹百陸拾壹秤每秤貳拾勛

乾隆四十二年立前隅一鰲峰書院戶都一收一

觀田四頃十六畝五分七釐六毫三絲八忽三微又墾田六分一收一都三禾國祥田五畝四分

四釐一毫  
六絲五忽

縣收租息每歲除山長脩金贄節儀暨生童膏伙

優賞飯食外給院水火夫紋銀十二兩歲脩紋銀

十二兩檢字紙銀四兩

田一百五十把	一坵	一土名前吳畝	田七百二十把	十三把	三坵
六坵	一土名松溪	田一百二十把	又門口	田一百八十把	三坵
一土名隴底	田八十把	一土名石鷺頭	對面	田一百三十把	五坵
一百五十把	五坵	一土名荒塘	門口	田六百六十把	六坵
一土名全田	二百四十把	五坵	一土名全田	六十把	六坵
把一坵	八把	一土名全田	一百八十把	九坵	
名全田	八把	一土名楊公源	田一百四十把	三坵	九坵
十把	六坵	一土名雞籠	田三百把	英畝	田三坵
一土名金雞	籠田三百把	八坵	一土名橫英	畝田	三坵
五百把	七坵	一土名雪坑	源田	三百把	三坵
一土名黃畝	田八十把	一土名新田	田	一百	
二十把	二坵	一土名潘村	嶺脚	上菴	田二百
二坵	一土名木栗	後田	二百把	二坵	二百
栗坦畝	田二百五十把	一坵	一土名大平	後田	八
十把	一坵				

共計田叁頃叁拾柒畝叁分正 共計田段伍百

貳拾坵正共計租穀貳千壹百陸拾壹秤每秤貳拾  
 乾隆四十二年立前隅一鰲峰書院戶一都三沖真  
 觀田四頃十六畝五分七釐六毫三絲八忽三微  
 又墾田六分一收一都三朱國祥田五畝四分  
 四釐一毫  
 六絲五忽

光緒元年邑令趙篤恩以永福堂廟燬僧逃錢糧懸宕

稟請將田產充公撥歸書院一土名東隅一小粟畝  
 入秤一土名東隅一下橋湖田一畝二分計一坵租  
 租九秤一上名東隅一廟邊田三畝計二坵租廿  
 三秤一土名東隅一大流畝田八分計一坵租七  
 秤半一土名前隅一西美源田一畝二分計六坵  
 租三秤一土名一都三上河路絲舖田一畝六分  
 計二坵租七秤一土名一都一馬力後田二畝計  
 二坵租十一秤一土名四都一湖塘上坑底田五  
 畝計五坵租三十一秤一土名四都一上坑底籠

社學 附義塾鄉塾

宣邑社學舊志在縣西北百步成化十四年提學胡榮  
 行建明初每五十家建社學一區延學行生員訓迪  
 民間子弟春初開學臘月終止其有願常任者聽此  
 三代謹里塾之意也雖歷朝申明其義有司視為故  
 事嘉靖三十年邑令蕭彥始建實力舉行之後廢  
 順治間邑令侯杲重建一區於邑南隅後亦廢  
 康熙五十五年邑令張廷祐具詳上憲設立義學敦  
 請貢生梁祥璿暫假鄭氏書館俟擇地重建義塾見引  
 藝後亦未終其事



午溪義塾在縣西曹門祠堂前鄭氏祖建於明嘉靖  
間康熙甲寅因兵燹廢毀乾隆十一年嗣孫延相瑞  
河瑞洛勉登俊登亮協力營造屋二十餘間延師誨  
族之子弟督學于敏中從父宰邑時嘗遊其地後視  
學浙省給匾聯邑令雷仁育記俱見藝文

縣東義塾在文廟東徐公祠後乾隆間鹽商王楷建  
今併入教諭宅

潘氏義塾明初潘賦創建以訓族之子弟後燬於火  
國初嗣孫正經四美重修舊址規模畧備康熙年間生  
員文諒元韶士經士璿益恢廓之建書屋十五間乾

社學 附義塾鄉塾

宜邑社學舊志在縣西北百步成化十四年提學胡榮  
行建明初每五十家建社學一區延學行生員訓迪  
民間子弟春初開學臘月終止其有願常任者聽此  
三代謹里塾之意也雖歷朝申明其義有司視爲故  
事嘉靖三十年邑令蕭彥始建實力舉行之後廢  
順治間邑令侯杲重建一區於邑南隅後亦廢  
康熙五十五年邑令張廷祐具詳上憲設立義學敦  
請貢生梁祚璿暫假鄭氏書館俟擇地重建義塾見引  
藝後亦未終其事

午溪義塾在縣西曹門祠堂前鄭氏祖建於明嘉靖  
 間康熙甲寅因兵燹廢毀乾隆十一年嗣孫廷相瑞  
 河瑞洛勉登俊登亮協力營造屋二十餘間延師誨  
 族之子弟督學于敏中從父宰邑時嘗遊其地後視  
 學浙省給匾聯邑合雷仁育記俱見藝文  
 縣東義塾在文廟東徐公祠後乾隆間鹽商王楷建  
 今併入教諭宅

潘氏義塾明初潘賦創建以訓族之子弟後燬於火  
 國初嗣孫正經四美重修舊址規模畧備康熙年間生  
 員文諒元韶士經士璿益恢廓之建書屋十五間乾

店金昌畝田五畝計八坵租三十五石  
 都一金昌畝田三畝計三坵租十九石  
 都一東塘舍殿前下河畝田四畝六分計九坵租三  
 十九石 共計實租壹百九十二石半

光緒四年邑令皮樹棠因雷鄭二姓賭案控爭詳請將

田畝充公撥歸書院 土名前隅一白馬下莊田五畝計十五坵租二十五石

縣收租息每歲除山長脩金贄節儀暨生童膏伙  
 優賞飯食外給院水火夫紋銀十二兩歲脩紋銀  
 十二兩檢字紙銀四兩

社學 附義塾鄉塾

宣邑社學舊志在縣西北百步成化十四年提學胡榮  
 行建明初每五十家建社學一區延學行生員訓迪  
 民間子弟春初開學臘月終止其有願常任者聽此  
 三代謹里塾之意也雖歷朝申明其義有司視為故  
 事嘉靖三十年邑令蕭彥始建實力舉行之後廢  
 順治間邑令侯杲重建一區於邑南隅後亦廢  
 康熙五十五年邑令張廷祐具詳上憲設立義學敦  
 請貢生梁祚璿暫假鄭氏書館俟擇地重建義塾見引  
 藝後亦未終其事

午溪義塾在縣西曹門祠堂前鄭氏祖建於明嘉靖  
間康熙甲寅因兵燹廢毀乾隆十一年嗣孫廷相瑞  
河瑞洛勉登俊登亮協力營造屋二十餘間延師誨  
族之子弟督學于敏中從父宰邑時嘗遊其地後視  
學浙省給匾聯邑令雷仁育記俱見藝文  
縣東義塾在文廟東徐公祠後乾隆間鹽商王楷建  
今併入教諭宅

潘氏義塾明初潘賦創建以訓族之子弟後燬於火  
國初嗣孫正經四美重修舊址規模畧備康熙年間生  
員文諒元韶士經士璿益恢廓之建書屋十五間乾

隆年間族人延本族貢生潘士珍振鐸訓課潘氏子  
弟有文行者多出其門

鄉塾在縣西南五里隱靜庵洪武間里人祝悰建捐田  
延師以淑鄉之後進久廢記畧云隱靜庵高祖法司  
大中所謂地曰萊山撥田六十  
畝命僧奉祀建立祠堂悰復置常稔田二十畝仍就  
祖庵開設義塾延師訓迪族之子孫俾習禮義田之  
號第并祖庵田段詳見碑陰  
洪武甲子十三世孫悰記

賓興

正科鄉試赴司領給花紅路費卷資庫平紋銀叁拾

玖兩零文武正科錄  
遺俱平分

文運堂嘉慶九年邑令王愷諭俞諒訓張榮勸捐見記

藝文 一徐光祖捐丁公庄鵲坑田一畝三分三  
 坵 又牛欄按田七分一坵 一坵 一坵 一坵 一坵  
 庄前陶均田一畝一坵 內合一牛一詹茂華捐東隅一大  
 荒田田三百把二坵內一合一牛一賴經邦捐後  
 弄坑口田一百一畝四坵 一陳有祥全姪鳳集捐車  
 門廻田六十把一坵 一鄭萬起捐東邊瓦灶凹  
 田一百把五坵又塘一口 一章德興捐巖山殿  
 脚舖前田一百四十把六坵 一周德賢捐齊源  
 大坟用田一百五十把一坵 一項士進捐曳嶺  
 金趙畷田一畝入分一坵又金山脚田二分一  
 坵 一陳光祚捐赤圩庄上圩田一畝一坵 一分一  
 王萬齡遺命男朝柏治安治昇捐湯山后舒田八  
 十把六坵又田五十把三坵

以上田畝糧戶立東隅一文運堂租息董事收貯  
 每科分給鄉試路費外並買文章縣考頭場試卷  
 武童內場試卷

文明堂嘉慶二十五年教諭俞開傑訓導張 榮董

事潘德懷俞宗煥潘忠清勸捐初議各都庄平捐  
 多寡不計如其庄不願捐助則該庄鄉試者不得  
 分此項甫捐西隅一及二都二六都三數處值歲  
 大旱事遂寢尙冀續成以惠多士訓導張榮記東  
 宜邑僻處山陬名師宿儒代不乏人惟距省較遠  
 每逢寶興大典輒以資斧不充因而裹足雖志切  
 觀光無由步青雲而直上竊欲與搢紳先生籌所  
 以振興而未得有得也今邑貢暨廩生等仿文正之  
 法勸捐義田立東隅一文運堂冊戶擇其搢紳之  
 賢而素封者儲積租息以佐賓興而童試亦得分  
 其所入之餘其所以為賓興育才計公而溥將雲  
 蒸霞蔚鸚鵡薦鵬盤入為珥筆之臣出預衡文之選  
 功業文章悉基諸此豈第通桂籍而登賢書為足  
 焜耀一時哉後之舉於鄉而身通顯者復推其祿

賜博置膏腴以廣諸君子之志昔以惠周親今以  
 惠多士文正有知亦深嘉其後先繼美也况乎得  
 山川之助而加以造就之勤振興也高飛一舉千里  
 則東南之人文謂即因是而振興也包豐畷田一  
 垂五遠一西隅一鄭國且潘子儒捐土名下塘  
 百五十把一坵一坵二都二潘子儒捐土名下塘  
 門前畷田二百把一坵一坵一六都三俞林檀捐土  
 名道士隴田二百把一坵一坵一俞聖謨捐土名洪塘  
 塘田一百二十把一坵一坵一俞林模捐土名車門  
 口田一百二十把一坵一坵一俞林模捐土名車門  
 田八十把一坵一坵一俞林模捐土名車門

以上田畝戶立西隅一文明堂租息董事收貯以  
 為鄉試路費

文運堂咸豐同治年間續增田畝租數附記

章上林下鄉鄧才英江奇峰等助洋置買土名下  
 橋湖田一百三十把一坵計租穀二十一秤  
 在城饒忠琪下鄉周國釗徐光祖等助洋置買土  
 名大流畷田一百二十把一坵計租穀十八秤  
 下鄉潘志通助土名周坦汝井頭上田一畝一坵  
 計租穀貳石一上黃王國樑助土名小流畷田  
 一百五十把一坵計租穀一上黃王國樑助土名小流畷田  
 四秤一上江饒和琪助土名下河畷水開口田  
 一百七十把一坵計租穀一上江饒和琪助土名下河畷水開口田  
 一統助土名車門畷田二十七秤一鳥漱吳  
 一坵計租穀一上江饒和琪助土名下河畷水開口田  
 涂以軌鮑畷雷春芳萊川湖陳善等助洋置買土  
 名祝村下視后廳田二百三十把一坵計租穀四  
 十二秤一坵計租穀一上江饒和琪助土名下河畷水開口田  
 田八十把一坵計租穀一上江饒和琪助土名下河畷水開口田  
 油坑嶺頭江永清丁鳥鄭永芳青田石帆徐邦楨  
 等助洋置買土名縣學口田一百八十把一坵計  
 租穀三十三秤又土名文昌閣田六十把一坵計

計租穀二十九秤

以上田畝糧戶收入東隅一文運堂租息董事收放以作鄉試路費

宣平縣志卷之七

職官

滕辭雖小官省事煩丞簿久汰屬惟尉存學職兵防文武攸分述職官表

明

知縣 景泰二年設 縣丞 隆慶二年裁省 主簿 嘉靖十二年裁省

典史 巡檢司 嘉靖初裁省前無考

吏房 戶房 倉房糧房 禮房

兵房 刑房 工房 承發房



架閣房以上司吏典

舖長房典吏一名

陰陽學訓術

醫學訓科

僧會司僧會

道會司道會

教諭司吏一名

訓導二員隆慶裁一

國朝

知縣各房司吏奉裁

典史陰陽學久缺

醫學久缺

僧會司久缺

道會司久缺

教諭初裁康熙十年復設 訓導

武職

國朝

駐防司千總 把總 外委

宣平縣志卷之七

職官

滕辭雖小官省事煩丞簿久汰屬惟尉存學職兵防

文武攸分述職官表

文職

明

知縣景泰二年設

縣丞隆慶二年裁省

主簿嘉靖十二年裁省

典史

巡檢司嘉靖初裁省前無考

吏房

戶房

倉房糧房

禮房

兵房

刑房

工房

承發房



架閣房以上司吏典

舖長房典吏一名

陰陽學訓術

醫學訓科

僧會司僧會

道會司道會

教諭司吏一名

訓導二員隆慶裁一

國朝

知縣各房司吏奉裁

典史 陰陽學久缺

醫學久缺

僧會司久缺

道會司久缺

教諭初裁康熙十年復設 訓導

武職

國朝

駐防司千總

把總

外委

明

知縣

景泰 李葉祀名宦見宦績

趙恭詳符人

縣丞

練敬浦城人見宦績

王俊見宦績

葛升貴池人

王侗磁州人

主簿

鄭餘見宦績

典史

楊奇遇江西人

張應麟

鄭思珠福建人

鄭國祚福建人

舒顯良

順天 郝 孜  
綏海人

黃 明  
宜黃人

詹景渾  
弋陽人

范 紀  
舒城人

胡 溪  
京山人

崔 勇  
蠡縣人

彭 凝  
信宜人

陳 亮  
海豐人

章 麟  
黃州人

温 潤  
萬安人

林 翥  
泉州人

王 懋  
甯 與  
金谿人

成 化  
何 昌  
見宦績

李 忠  
顧 瓘

龐以瀄  
潁州人

樂 和  
建昌人

彭 霄  
萍鄉人

宏治

楊中立

祀名宦  
見宦績

夏雲

弋陽人

正德

向哲

見宦績

甘楷

見宦績

何拱

新淦人

徐中

吳縣人

程顯

長汀人

鄭廣

徐黼

祀名宦  
見宦績

何本道

顏泉

應山人

徐懋

南平人

游希忠

莆田人

張文昌

石首人

俞英

高明人

王漢

太平人

楊傲

見宦績

鄭應文

見宦績

嘉靖

周儀

南陵人

張僎

見宦績

鄔瑞

豐城人  
監生

湖廣人

夏廷安

福清人

沈蕃

福建人

宋鎬

祀名宦  
見宦績

朱微

見宦績

黃啟

南平人

趙英

荆門人

十二年  
裁缺

張剛

揚州人

高勗

宜章人

湯秉忠

太平人

盧栗

蘇州人

蕭 彥

見宦績

高子仁

大名人

裴六德

貴溪人

潘 桂

山西人

黃乾德

福寧州人

關中原

見宦績

左元勳

永新人  
貢士

張 懋

廣濟人

任良翰

見宦績

葉 稠

會昌人

林晦明

福建人

郭任爵

贛州人

駱邦奇

盱眙人

劉 化

東莞人

崔 信

山東人

楊 名

古田人

吳 淙

豐城人

施士正

龍溪人

凌 岱

江都人

譚中顯

直隸人

何 愷

直隸人

隆慶知縣

朱朝相  
京山人

樂應奎

沙縣人  
貢生

萬曆艾善

雲夢人

甘祖讓

豐城人

隆慶二年  
裁缺

典史

李祥

華亭人

林天祚

蒲田人

劉珍

歙縣人  
貢士

葉遺風

清流人  
選貢

伍一龍

湖口人  
選貢

黃文豹

金谿人  
貢士

蕭宗舜

鄱陽人

吳道明

貴溪人

胡器

豐城人

陳君豐

興化人

汪英

懷遠人

李一鏢

長汀人

辭應辰

固安人

王鼎

浮梁人  
貢士

王松孫

安福人

謝養浩

東莞人

周紹虞

和平人  
貢士

鄭廷暉

侯官人

饒永宣

新建人

倪天澤

青陽人

湛應林

贛州人

劉宏

高要人

陳允恭

常熟人

陳應麟

陵水人  
貢士

林楊

肇慶人

胡鼎相

涇縣人舉人忤  
璫左遷補任

王洞

興國人

鮑道寵

蕪湖人

洪雲翼

懷寧人有祠在縣東併碑記

曾大器

贛州人

鍾榮

定南人

天啟 牟國安

日照人

申鎮國

貴州人

崇禎 鄭龍光

見傳

王在鎬

寧海人見傳

沈襄明

興國人貢士

金之鎔

安鄉人有祠見傳

陳嘉篆

醴陵人貢士

曾日明

莆田人

翁名揚

莆田人

王芳

江西人

卞有棠

福清人

游允錫

豐城人

國朝

治順

卜云吉

武進人  
見傳

陳士奇

全椒人

張應元

吉水人

黃鍾

黃元

莆田人

王亮教

見傳

薛景新

遼東人

裴文燦

白河人  
恩貢

黃順元

上裴人  
見傳

侯杲

無錫人進士  
七年任

李永正

保定人

葛永振

遼陽金湯人  
七年以通判署篆

白采

陝西人

康熙

孔尙志

定陶人

陸士榮

大興人  
見宦績

劉德玉

陝西人

陳正儒

陝西人

李向芝

偃師人進士  
七年任

劉永吉

華州人



金朝選

遼東人

劉濟寬

河南人進士  
見宦績

崔鳴鶯

郡同知  
十五年署篆

王登魁

遼東人監生  
十八年任

孫鼎鉉

山陽人監生  
十八年任

魏秉直

直隸人

馬耀閻

東昌人

傅調鼎

盱眙人

王恩捷

華州人

吳瑋

宣城籍  
紹興人

魏康孫

繁昌人進士  
二十二年任

李芳綦

曲沃人舉人  
二十六年任

靳讓

尉氏人進士  
見宦績

霍維騰

縉雲縣令  
三十年署篆

楊尙義

宜春人舉人  
三十三年任

楊瓚

香山人舉人三十六年任

韓宗綱

進士祀名宦見宦績

魏必大

廣昌人進士

張廷祐

奉天人

周崇高

四川人舉人

雍正

于樹範

金壇人監生見宦績

徐毓柱

楚雄人進士翰林改授五年任

孫炯

大興人監生六年任

盧元愷

奉天正紅旗人監生十年任

李葵

德州人監生十年任

來景霽

陝西人

劉世觀

大興籍江都人

曹允顯

江南貴江縣人

侯棣

進士

胡必奇

龍溪人舉人十一年任見宦績

鹿耿

直隸人進士

乾隆劉鐸

正黃旗人監生

黃士鈞

雲都人進士

楊志清

雲南人

劉毓秀

山西人

王大任

青陽人舉人

周芬佩

桐城人進士十一年試用

雷仁育

太原人進士十一年任見宦績

陳加儒

隆水人舉人十六年任

伍保

沈

周溥

江西新城人

周耀

江南溧陽人

孫世恒

都會

樂翔人

多澤厚

三十年任

王者賢

三十二年任

趙 函

三十三年任

唐若瀛

三十六年任

邱廷蘭

三十七年任

王廷琦

三十八年任

張士彥

茂名人進士  
四十年任

張義路

荻西人

莫景瑞

四十八年任

張蚤譽

遵化州人舉人  
五十四年任

嘉慶 蔡應霖

順德人舉人  
二年署篆

朱蓮

湖南人舉人  
二年任

王愷

昭文人進士  
七年任

耿維祐

新城人進士  
十一年任

楊士雲

貴州人進士  
十五年任

朱俊秀

南豐人

孔廣文

嘉應州人

陸元楷

蘇州人

王清照

華亭人

楊宏模

嚴芝芳

閩縣人進士  
十八年任

劉以實

懷慶人舉人  
二十三年任

道光 吳錫疇

崇安人舉人  
元年署

多倫

旗人官學生  
元年任

黃煥

遂溪人選貢  
署篆

宋流斨

蘇州人

楊燦

昆明人

朱朝式

葛廷賢

費廷璐

武進人  
署篆

李增福

昆明人  
進士  
四年任

胡霖蒼

雲南人  
庶吉士

李興元

長沙人  
進士  
十年任

戴人龍

太湖人  
舉人  
署篆

馬英遂

永康州人  
舉人  
署篆

黃維同

善化人  
進士  
十三年任

喬威

山西人  
十六年署

韋逢甲

山東人  
進士  
十七年署

湯金策

河南安陽人  
舉人  
十八年任

顧堪

周欽濂  
陝西人

伍承吉

江南人舉人  
二十五年任

歸令望

二十五年署

李盤

陝西人舉人  
二十六年任

汪應權

江蘇人  
二十五年任

李業修

廣東人  
二十九年代理

萬兆璋

江西人  
二十九年任

李壽榛

湖北人舉人  
二十九年署

咸豐

李甫田

山東人拔貢  
二年署

方溥

江西人  
三年以府經歷署

劉曦

河南人進士  
四年任

秦繼昌

江蘇人  
五年署

湯廷桂

江蘇人  
五年署

唐汝芝

河南人舉人  
八年署

周鍾美

華承堃

七年署

邢鴻濤

直隸人  
九年以縣丞代理

秦炳昌

邊厚慶

直隸人進士  
九年任

何仁杰

江西人  
十年署

董任毅

江蘇人  
以麗水丞代理

郭光儀

四川人  
十一年代理

同治

奎昌

滿洲人  
二年署

汪瑞梅

江西人  
二年代理

汪榮

江蘇人  
二年署

黃位中

廣東人  
四年任

金粟

江蘇人  
五年代理

蔣元沂

湖北人  
五年署

江蘇人  
八年任

田致元

山東人  
九年任

方德本

丁維祺

十年任

張守慈

直隸人  
十一年署

朱鳳翔

松江人  
三年署

沈文貴

直隸人  
四年署

余庭碩

安徽績溪人  
五年署

季圭

江蘇人  
六年署



張兆基

湖北人舉人  
七年署

李昱

湖南安化人  
九年署

許維崧

湖南巴陵人  
十二年署

劉爵

江蘇人十三年  
以縣丞代理

趙篤恩

湖南武陵人  
十三年任

徐其相

江蘇人  
六年任

程克勤

安徽歙縣人  
十年代理

黃承宗

江西人  
十年署

朱承鈞

安徽婺源人  
十年任

光緒

皮樹棠

湖南善化人舉人  
二年任

教諭

明

景泰

徐潤

見宦績

羅綯

泰和人

天順

陳欽

潮陽人

舒祥

黟縣人

訓導

陸銘

見宦績

吳恪

福清人

檀昂

望江人

劉祥

淮安人

化成

黃黍

見宦績

魏成

南平人

朱英

湖廣人

李朝陽

廣東人

宏治

林溥

見宦績

姜英

湖廣人

張恭

山東人

湯宗智

泰安州人

正德

劉誠

江西人

梁紹唐

四會人

沈鑑

福建人

吳大道

揭陽人

柴堅

樂安人

嘉靖

蘇民望

見宦績

高洪鎬

福清人

潘廷榮

見宦績

翟宗魯

見宦績

文應奎

鄱陽人

高軒

丹徒人

林子炳

福宜州人

黃煒

連江人

董廷相

長樂人

譚瑄

樞縣人

方道貴

歙縣人

馬自強

山東人

王霽

玉山人

董體元

汀州人

支紹齡

廣東人

羅汝翊

新喻人以  
後裁一員

慶隆  
宋元德

邳州人

李九功

貴溪人

胡朝賓

廬陵人  
舉人

李椿

泗州人

萬歷楊澄

建德人

俞介

江寧人

章天恩

於潛人

邱行

連江人府志  
作行達

夏久安

秀水人  
舉人

樂記

定海人

張公試

海康人

秦恩

古田人

楊秉紀

南平人

毛一蘭

瑞安人

張文卿

臨朐人

劉至

山陰人  
舉人

謝存果

奉化人  
舉人

張維載

南陵人

曹友益

錢塘人

王執中

武平人

蘭芝

明貽人

朱萬里

見宦績

王法

樂清人

張起鵬

泰順人

方學聰

桐城人

顏自新

嘉善人

夏孔時

永康人

章世有

溧水人府志  
作章世育

祝守謨

嘉興人

趙賢

雲南人

張遇之

仁和人

黃瑞光

廣西人

劉民悅

貴州人

方一輝

涪安人

黃賓

永嘉人

天啟  
王嗣爽

見宦績

姚弼

長興人

戴宗猷

永嘉人

王尙敬

溧水人

王邦

行唐人

徐灼

南海人

聞善言

錢唐人

尤杰

金華人

崇禎 錢汝奉

慈谿人

鄭文兆

蕭山人  
見宦績

吳希泉

永康人  
府志  
作希皋

葉永芳

見宦績

張華年

見宦績

王之佐

寶應人

俞咨益

烏程人  
見宦績

王國瑞

烏程人

袁九皋

桐廬人

何喬遇

龍游人

國朝

順治 劉世科

袁之龍

宜平縣志

卷之七

職官

六

紹興人  
見宦績

張孫宏

海寧人  
見宦績

陳祚昌

仁和人  
見宦績

李芳穎

東陽人  
歲貢

康熙

吳震

杭州人  
以後裁缺十六年復

龔之奇

新城人  
見宦績八年任

孫大蘇

長興人  
歲貢

張翼

上虞人  
歲貢

李應芳

東陽人  
歲貢

張應壽

湯溪人  
見宦績五年任

章允奇

西安人  
歲貢  
十六年任

周起莘

蕭山人  
見宦績

錢聖謨

海寧人  
歲貢

徐銑

山陰人  
例貢

祝秉真

海寧人

俞兆岳

蘭谿人  
歲貢

鄭應樂

浦江人  
歲貢

盧光采

東陽人  
歲貢

趙以昌

紹興人  
歲貢

周大受

山陰人  
歲貢

余潘



海寧人 歷官太僕寺卿 見官績

章 經

富陽人 見官績

馮會京

杭州人

張兆龍

分水人

俞忠謀

會稽人

勤縣人

朱鴻瞻

瑞安人

金 煌

秀水人 歲貢

鄭文沼

秀水人 歲貢

施一瓚

湖州人

馮 鏞

海鹽人 見官績

沈輅錫

杭州人

林佳璿

永康人

沈凝遠

海寧人 歲貢 九年任

黃朝瑛

永嘉人

徐紹宗

雍正

陳大猷

西安人 拔貢

乾隆

鍾處厚

石門人 拔貢

吳三發

蕭山人

副貢

陸獻猷

餘姚人副貢  
見宦績

張彖之

三十一年任

周一鵬

錢唐人副貢  
三十二年任

王誥

五十年任

孔

江山人

吳滄景

涪安人  
見宦績

潘毓楠

歸安人歲貢  
見宦績

高山

仁和人  
三十二年任

邵是栲

餘姚人舉人  
三十五年任

五十三年任

胡森桂

永嘉人拔貢

嘉慶

俞諒

舉人  
三年任

俞開傑

餘杭人  
恩貢

道光

胡容松

孫灃

仁和人舉人

陸銘

嘉興人  
五年任

張榮

海鹽人舉人

李榮

建德人副貢  
署篆

姚承烈

仁和人舉人  
五年任

陸武會

歸安人舉人  
署篆

胡鵬飛

山陰人副貢  
十九年任

項秉謙

武義人選貢  
二十一年任

丁湜

慈谿人舉人  
三年任

吳鄂棠

錢塘人舉人  
二十年任

寧波人舉人  
署篆

王椿煜

汾水人拔貢  
二十九年任

同治

吳大治

三年代篆

洪燧

杭州人廩貢  
三年

黃一梅

台州人廩貢  
四年

潘藩

陳章五

鎮海人舉人  
二年署

鍾學聚

杭州人廩貢  
五年署

梁灼

海寧州人  
六年署

王乃濟

玉環廳拔貢  
五年任

章澍

杭州人歲貢  
十二年

蔣振鏞

台州人副貢  
十三年署

杭州人廩貢  
七年署

沈廷基

温州人廩貢  
八年署

管璠

温州人廩貢  
九年署

陳錦藻

慈谿人廩貢  
十一年署

陳元驥

秀水人舉人  
十三年任

任位俊

光緒  
向樹南

國朝自雍正起前此無考

千總

雍正  
李廷柱

福建長汀人  
行伍八年到

把總

田士英

温州平陽人  
行伍五年任

陳士鳳

温州平陽人  
行伍十二年任

楊登明

陝西張掖人  
行伍十三年任

朱朝柱

温州平陽人  
行伍二年任

乾隆  
趙國宰

陝西固原人  
行伍十五年任

宣平縣志

卷之七

職官

一

任紹勳

麗水人行伍三年任

楊綱

江南無錫人武童五年任

任紹勳

八年復任

林丹五

溫州平陽人年任

楊綱

十六年任

林勇

台州黃巖人行伍十七年任

張顯

麗水人行伍十八年任

黃文勇

麗水人行伍二年任

袁清

教門行伍四年任

郭元相

麗水人行伍六年任

嘉慶

沈樹松

十九年至六十年無考

麗水人行伍元年任

宋兆棟

麗水人行伍三年任

劉雄

金華人行伍五年任

金殿鼇

麗水人行伍  
九年任

嚴勇剛

衢州人武舉  
十三年任

牟萬齡

台州人武舉  
二十年任

王金貴

衢州人行伍  
二十一年任

金殿鼇

二十年復任

馬成麟

教門行伍  
七年任

黃文勇

八年復任

郭元相

十年復任

馬成仁

教門行伍  
十一年任

馬成棟

教門行伍  
十二年任

王金貴

二十三年復任

牟萬齡

二十四年復任

項建勳

麗水人行伍  
十四年任

袁清

十五年復任

王廷瑞

麗水人行伍  
十六年任

高國榮

麗水人行伍  
十六年任

項建勳

十八年復任

馬成麟

十九年復任

郭元相

二十五年復任

道光  
胡世勳

衢州人武舉  
二年任

湯兆熊

武義人武舉  
九年任

項懋功

麗水人行伍  
元年任

馬錦麟

教門行伍  
三年任

項建勳

四年復任

袁君義

教門行伍  
五年任

李建標

麗水人行伍  
六年任

高國榮

七年復任

張世恩

麗水人行伍  
八年任

鮑汝勳

麗水人行伍  
十年任

張世恩

十一年復任

趙培槐

麗水人行伍  
十二年任

袁君恩

教門行伍  
十三年任

鮑汝勳

十四年復任

趙培槐

十五年復任

袁君恩

十六年復任

張世恩

十八年復任

耿廷榮

麗水人行伍  
十九年任

鮑汝勳

二十年復任

以後千總奉裁任卸年月籍貫出身多失考

把總

外委



道光 吳大龍

沈廷龍

王國興

耿廷榮

閻安邦

魏際飛

朱起高

咸豐 袁廷標

金有三

陳發彩

同治 王起貴

顧承恩

黃廷揚

楊致和

王兆鰲

袁文奎

松陽人武舉

何瑞彪

馬文鏞

夏煥昌

縉雲人武舉

金殿隆

應金芳

袁廷芳

馬憲邦

閻均林

麗水人行伍  
十三年任

陳文耀

麗水人行伍  
元年任

光緒

